

## يا وطن

ألا يا وطن والضيم ذقناه  
علي شأن عينك كم نعاني  
مجرد فراقك ماقويناه  
ولانطيع بك قاصي وداني  
ألا يا وطن ماشفت حلياه  
ولا يشبهك بالكون ثاني  
بديع فريد في مزاياه  
مهي مبالغة : درة زماني  
أيام وطني كل تمناه  
من أول ما كان الماء بسواني  
بك العزى ابلادي لقيناه  
وغنى بك المجد الأغاني  
وتبقي بلدنا اللي عشقناه  
وتبقي لنا والعمرفاني  
ولك عاشق جالك من أقصاه  
يرقيك بالسبع المثاني

صالح مصلح الحربي

ألا يا وطن لاقلت عزاه  
أباقرالك السبع المثاني  
ألا يا وطن لو ضامتك..آه  
فداياك هالعوج المحاني  
وشن اللي جهلنا ماعرفناه  
وشن اللي غدت فيه الثواني  
وشن اللي كتبنا ماقريناه  
وشن اللي وراذيك المعاني  
ألا يا وطن حلم رسمناه  
نبي منك تحقيق الأمان  
طريق مشيناه ووصلناه  
وكل يقول أنه دعاني  
ولو هو علي الممتن شلناه  
نشيل الهقاوي بك سماني  
لا يرجع مثل دمع ذرفناه  
نبي معك نتبادل تهاني

## بقايا من رماد

انا باقي بقايا من رماد .... ولابقى دخان  
وانا مهر جموح .. واعسفتني لوعة سنييني  
شربت من المراره والبحر والملح والطوفان  
وتعبت اركض لصوت من وري صدري يناديني  
متى نرحل عن الدنيا .. ( وكل من عليها فان )  
متى يوم اللقا .. وابي اشتكي لني يلا قيني  
بهزك يا نخيل في ظلوعي .. تمر ك الحرمان  
وابضرب في عصاتي ضامري لني يشكنيني  
انا بجمع دموعي كلها واصبر على الكتمان  
واذا ربي سألني .. ينفجر كل البكا فيني .!

خلف الاسلامي

صديقي والكلام انشئ تلمس جرح في مروان (1)  
تذكرني .. وانا اللي مالقيت اللي ينسيني  
أجي وارمي (حجارة) غفوتي في (جرة) النسيان  
ابي تشرب نياق الذاكره منها... وتسقينني  
عجزت انسى همومي - يا صديقي - والقلوب اوطان  
وانا قلبي وطنها .. وحزنها كله سكن فيني  
حزين .. وفي عيوني دمعة عتابي على الخلان  
- مثل موج السواحل - يضرب الحزن بشراييني  
تعبت اصرخ بدالي .. ما بقى في ظامري بركان  
طفئت اخر شراره - في ظلوعي - من براكينني